

Werk

Titel: Scientia rerum universalem ex Euclide restituta

Autor: Hentschius, Joannes Jacobus

Verlag: Haered. Lankisianorum

Ort: Lipsiae

Jahr: 1756

Kollektion: digiwunschbuch; mathematica

Signatur: 8 PHIL II, 288:2

Werk Id: PPN83290273X

PURL: http://resolver.sub.uni-goettingen.de/purl?PID=PPN83290273X|LOG_0013

OPAC: <http://opac.sub.uni-goettingen.de/DB=1/PPN?PPN=83290273X>

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

Idem vero rectang. sub AD, DC \equiv quadrato
rectæ DB (per hypoth.);

Ergo quadratum DE \equiv quadrato DB (per
1. ax.) ac propterea linea DE \equiv linea DB
(per 8. ax.)

Porro recta FE \equiv rectæ FB (per 15. def. 1.);
in triangulis igitur DEF, DBF, duo latera DE,
EF, duobus DB, BF sunt æqvalia & basis ipsorum
FD communis, angulus igitur DBF \equiv angulo
DEF (per 8. 1.);

Rectus autem est DEF angulus (per 18. 3.),

Ergo & angulus DBF est rectus (per 1. ax.);

Et quoniam recta FB per circuli centrum transit,
ideoqve est circuli semidiameter (per 15. def. 1.), re-
cta DB ab extremitate semidiametri FB ad angulos
rectos ducta circulum ABC contingit (per cor. 16. 3.).

Qvod erat demonstr.

EUCLIDIS ELEMENTORUM, LIBER QUARTUS

DEFINITIONES.

1. Figura rectilinea in figura rectilinea inscribi
dicitur, qvando unusqvisqve figuræ inscri-
ptæ angulus contingit unumqvodqve latus ejus,
in qua inscribitur.
2. Figura similiter circa figuram circumscribi di-
citur, qvando unumqvodqve latus circumscri-

- ptæ contingit unumq;emq;e angulum ejus,
qvæ inscribitur.
3. Figura rectilinea in circulo inscribi dicitur,
qvando unusq;visq;e inscriptæ figurae angulus
circuli circumferentiam contingit.
 4. Figura rectilinea circa circulum circumscribi
dicitur, qvando unumq;odq;e latus circum-
scriptæ circuli circumferentiam contingit.
 5. Circulus similiter in figura rectilinea inscribi
dicitur, quando Circuli circumferentia unum-
q;odq;e latus ejus, in qva inscribitur, con-
tingit.
 6. Circulus circa figuram rectilineam circumscribi
dicitur, qvando circuli circumferentia unum-
q;emq;e angulum ejus, circa qvam circum-
scribitur, contingit.
 7. Recta linea in circulo aptari dicitur, quan-
do ejus termini in circuli circumferentia
fuerint.

PROP. I. PROBL.

In dato circulo data rectæ lineæ, qvæ dia-
metro ejus non major sit, æqualem rectam lineam
aptare.

*Sit datus circulus ABC, data autem recta linea
D non major circuli diametro: oportet in circulo
ABC rectæ lineæ D æqualem rectam lineam aptare.*

Construc^{tio}.

1. ·Ducatur circuli ABC diameter; Si igitur BC
sit æqualis ipsi D, factum jam erit qvod pro-
ponebatur.

- ponebatur. Etenim in circulo ABC aptata est BC rectæ linea D æqvalis;
2. Sin autem major est BC quam D, ponatur ipsi D æqvalis CE (per 3. 1.); deinde centro quidem C intervallo autem CE describatur circulus AEG (per 3. postul.), & CA jungatur (per 1. post.).

Demonstratio.

Quoniam punctum C est centrum circuli AEG,
erit

$$CA \equiv CE \text{ (per 15. def. lib. 1.)}$$

$$\text{Sed } D \equiv CE \text{ (per constr.)}$$

$$\text{Ergo recta } D \equiv \text{recta } CA \text{ (per 1. ax.)}.$$

In dato igitur circulo ABC datæ rectæ lineæ D,
quaæ non major est circuli diametro, æqvalis aptata
est CA. *Quod erat faciendum & demonstrandum.*

PROP. II. PROBL.

In dato circulo inscribere triangulum æqviangulum dato triangulo.

Sit datus circulus ABC, datum autem triangulum DEF: oportet in circulo ABC inscribere triangulum triangulo DEF æqviangulum.

Constructio.

1. Ducatur recta linea HAG contingens circulum ABC in punto A;
2. Ad rectam lineam HG & ad punctum in ea A constituantur angulus HAC \equiv angulo DEF (per 23. 1.);
3. Ad rectam lineam HG & ad punctum in ea A

D

rursus

rursus constituatur angulus GAB \equiv angulo DFE & BC jungatur.

Demonstratio.

Quoniam circulum ABC contingit recta GH,
a contactu autem ducta est AC, erit angulus HAC
 \approx qualis ei, qui in alterno circuli segmento consi-
stet, angulo, videlicet ipsi ABC (per 32. 3.).

Sed angulus HAC \equiv angulo DEF (per con-
struct.).

Ergo & angulus ABC \equiv angulo DEF (per
1. ax.).

Eadem ratione & angulus ACB est \approx qualis
angulo DFE:

Reliqvus igitur angulus BAC, reliquo angulo
EDF \approx qualis erit (per 32. 1.)

Ergo triangulum ABC triangulo DEF est \approx vi-
angulum, & in circulo ABC inscriptum est (per
3. def. 4.).

Quod erat fac. & demonstr.

PROP. III. PROBL.

Circa datum circulum circumscribere triangu-
lum, \approx viangulum dato triangulo.

*Sit datus circulus ABC, datum autem triangu-
lum DEF: oportet circa circulum ABC circum-
scribere triangulum \approx viangulum triangulo DEF.*

Constructio.

1. Protrahatur EF ex parte utraqve ad puncta
H, G, (per 2. post.);
2. Sumatur circuli ABC centrum K (per 1. 3.);
3. Recta

3. Recta linea KB vtcunqve ducatur, constitua^e turqve ad lineam KB, & ad punctum in ea K angulus BKA \equiv angulo DEG, angulo autem DFH \equiv angulus BKC (per 23. 1.);
4. Per puncta A, B, C, ducantur rectæ lineæ LAM, MBN, NCL, circulum ACB contingentes (per 17. 3.)

Demonstratio.

Qvoniam rectæ LM, MN, NL circulum contingunt in punctis A, B, C; (per construct.) a centro autem K ad puncta A, B, C, ducuntur rectæ KA, KB, KC, erunt anguli ad puncta contactus A, B, C, recti (per 18. 3.);

Porro qvoniam AMBK (qvod in duo triangula dividi potest) anguli qvatuor æqvales sunt qvatuor angulis rectis (per 32. 1.), e qvibus anguli KAM, KBM sunt recti; erunt reliqui AKB, AMB duobus rectis æqvales;

Sunt autem & DEG & DEF duobus rectis æqvales (per 13. 1.): Anguli igitur AKB, AMB angulis DEG, DEF sunt æqvales, e qvibus AKB ipsi DEG est æqualis (per construct.): ergo reliquo AMB reliquo DEF æqualis erit (per 3. ax.)

Similiter demonstrabitur angulus LNM ipsi DFE æqualis: Ergo & reliquo MLN est æqualis reliquo EDF (per 32. 1.).

Est igitur LMN triangulum æquiangulum triangulo DEF, & circa circulum ABC circumscribitur (per 4. def. 4.)

Quod erat faciendum.

PROP. IV. PROBL.

In dato triangulo circulum inscribere.

Sit datum triangulum ABC : oportet in triangulo ABC circulum inscribere.

Constructio.

1. Secentur anguli ABC, BCA bifariam per rectas CD, BD, productas usque dum convenienter in punto D (per 9. I.),
2. A punto D ad rectas lineas AB, BC, CA ducantur perpendiculares DE, DG, DH (per 12. I.)

Demonstratio,

Qvoniam angulus ABC bifariam sectus est, erit ang. ABD \cong angulo CBD (per construct.) & porro rectus angulus BED \cong recto ang. BHD (per ax. 10.) ; duo igitur triangula DEB, DHB habent duos angulos duobus angulis æquales & usum latus DB utriqve communem, qvod scilicet uni æqualem angulorum subtenditur : Qvare reliqua latera reliquis lateribus æquales habebunt, scilicet latus EB \cong lateri BH, & lat. DE \cong lat. DH (per 26. I.) Eadem ratione erit etiam DG \cong DE \cong DH : Ideoqve centro D, intervallo autem DG vel DE vel etiam DH descriptus circulus transibit per puncta E, H, G, atqve in his punctis rectas AB, BC, CA continget (per coroll. 16. 3.) ; propterea etiam circulus in triangulo ABC inscriptus est (per 5. def. 4.).

Quod erat faciendum.

PROP.

PROP. V. PROBL.

Circa datum triangulum circulum circumscrivere.

Sit datum triangulum ABC: oportet circa datum triangulum ABC circulum circumscrivere.

Constructio.

1. Rectæ AB, AC bifariam secentur in punctis D, E (per 10. I.);
2. A punctis D, E, ipsis AB, AC ad rectos angulos ducantur DF, EF (per 11. I.)

Demonstratio.

Lineæ DF, EF, ad rectos angulos ductæ, vel intra triangulum ABC, vel in trianguli latere BC, vel extra triangulum ABC convenienter in punto F.

1. Convenienter DF, EF intra triangulum in punto F (vide Fig. 1.) & BF, CF, AF jungantur.

Quoniam igitur AD est æqualis rectæ DB: bifariam enim secta est AB (per construct.) recta autem DF utriqve triangulo ADF, BDF communis, & angulus ADF æqualis angulo BDF (per 10. ax.); erit basis AF \equiv basi FB (per 4. I.): Similiter ostendetur & CF æqualis AF: ergo & BF \equiv CF: tres igitur FA, FB, FC inter se sunt æquales.

Qvare centro F, intervallo autem æquali unius ipsarum FA, FB, FC, circulus descriptus etiam per reliqua puncta transibit: atqve erit circulus

culus circa triangulum ABC circumscriptus (per 6. def. 4.)

2. *DF, EF, convenient in recta linea BC, in punto F (ut in 2. Fig.), & AF jungatur.*
Similiter demonstrabimus punctum F centrum esse circuli circa triangulum ABC circumscripti,

3. *DF, EF convenient extra triangulum ABC rursus in punto F (ut in Fig. 3.): & jungantur AF, BF, CF;*

Qvoniā igitur $AD \equiv DB$ (per constr.); communis autem & ad angulos rectos DF ; basis AF basi BF æqvalis erit (per 4. i.)

Similiter demonstrabimus & CF ipsi AF æqvalēt, qvare & BF est æqvalis CF , rursus igitur centro F , intervallo autem æqvali uni ipsarum AF, BF, CF , circulus descriptus etiam per reliqua transibit puncta; atqve erit circa triangulum ABC circumscriptus,

Quod erat faciendum.

Corollarium,

Ex his manifestum est, qvod, si centrum circuli intra triangulum ceciderit, angulus BAC existens in segmento semicirculo majore minor est recto: Si autem ceciderit in recta linea BC , angulus in semicirculo rectus erit: & si extra triangulum ABC , angulus in segmento minore semicirculo erit major recto. Qvare si datum triangulum sit oxygonium, DF, EF intra triangulum

gulum convenient: Sin in eo sit angulus rectus BAC in ipsa AC: & si sit major recto, extra ABC.

PROP. VI. PROBL.

In dato circulo quadratum inscribere.

Sit datus circulus ABCD: oportet in circulo ABCD quadratum inscribere.

Constructio.

1. Ducantur Circuli ABCD diametri ad rectos angulos inter se AC, BD (per II. 1.);
2. Jungantur AB, BC, CD, DA (per post. 1.).

Demonstratio.

Quoniam E est centrum circuli, quatuor autem anguli ad centrum, E constituti, scil. AEB, AED, DEC, CEB sunt recti (per construct.) ideoque omnes inter se æquales (per 10. ax.); porro rectæ EA, EB, EC, ED sunt æquales (per 15. def. 1.):

Triangula igitur BEA, AED, DEC, CEB sunt inter se æqualia, ac proinde bases BA, AD, DC, CB sunt æquales (per 4. 1.); Qvare quadrilaterum ABCD est æquilaterum.

Rursus quoniam recta BD est diameter circuli ABCD; erit BAD semicirculus; qvapropter angulus BAD rectus est (per 31. 3.); Cum vero eadem ratione demonstretur reliquos angulos ADC, DCB, CBA etiam esse rectos; rectangulum igitur est ABCD quadrilaterum; ostensum autem

est æqvilaterum esse : igitur quadratum est (per 29. def. 1.) & inscriptum est in circulo ABCD (per 3. def. 4.).

Quod erat faciendum.

PROP. VII. PROBL.

Circa datum circulum quadratum circumscrivere.

Sit datus circulus ABCD : oportet circa ABCD circulum quadratum describere.

Constructio.

(1) Ducantur circuli ABCD duæ diametri AC, BD ad rectos inter se angulos ; & (2) per puncta A, B, C, D, ducantur rectæ FG, GH, HK, KF contingentes circulum ABCD (per 17. 3.).

Demonstratio.

Qvoniam recta FG circulum contingit, a centro autem E; ad punctum contactum A ducta est recta EA ; erunt anguli ad A recti (per 18. 3.)

Eadem ratione & anguli ad puncta B, C, D, sunt recti.

Porro qvoniam angulus AEB est rectus, & EBG etiam rectus ; erit (per 28. 1.) GH ipsi AC parallela ; eadem ratione & AC parallela est rectæ FK ; qvare GH & FK inter se sunt parallelæ (per 30. 1.).

Similiter demonstrabitur & utramqve ipsarum GF, HK ipsi BED parallelam esse ; ideoqve GF, HK etiam inter se parallelas.

Paral-

Parallelogramma igitur sunt GK, GC, AK, FB, BK; ac propterea GF \equiv HK; GH vero \equiv FK (per 34. 1.).

Et quoniam AC \equiv BD (per 15. def. 1.) sed & AC quidem utriqve ipsarum GH, FK est æqualis, BD vero æqualis utriqve, GF, HK utraqve igitur GH, FK utriqve GF, HK, æqualis erit. Qvare æqvilaterum est FGHK quadrilaterum. Dico & rectangulum esse: quoniam enim parallelogrammum est GBEA atque angulus AEB est rectus & ipse AGB angulus rectus erit, (per 34. 1.) Similiter demonstrabimus angulos etiam, qui ad puncta H, K, F sunt constituti rectos esse: Rectangulum igitur est quadrilaterum FG, HK; demonstratum autem est & æqvilaterum: igitur quadratum est; & circumscripsum præterea est circa circulum ABCD.

Qvod erat faciendum.

PROP. VIII. PROBL.

In dato quadrato circulum inscribere.

Sit datum quadratum ABCD: oportet in ABCD quadrato circulum inscribere.

Constructio.

1. Utraqve ipsarum GH, GF fecetur bifariam, in punctis, A, B (per 10. 1.)?
2. Per punctum A alterutri ipsarum GH, FK, parallela ducatur AC, per punctum vero B ducatur BD parallela alterutri GF, HK (per 32. 1.).

Dico: circulus centro E intervallo EA descriptus quadrato inscribetur.

Demonstratio.

Quadrati FGHK latus FG \equiv lateri GH; ergo
lateris FG dimidium GA æqvatur lateris GH,
dimidio GB (per 7. ax.), & qvoniā recta AC
est parallela rectæ GH, recta autem BD parallela
rectæ GF; est igitur AGBE parallelogrammum
habens opposita latera æqvalia.

latus nempe AG \equiv lateri BE }
& lat. GB \equiv lateri AE } (per 34. I.)

Sed latus AG, & GB sunt ejusdem magnitudi-
nis (ut supra ostensum est); ergo & BE, AE sunt
æqvalēs (per 1. ax.):

Eadem ratione demonstrabitur parallelogram-
ma esse BHEC, AEDF, eorumqve opposita latera
esse æqvalia,

latus nempe BH \equiv lateri EC }
& latus AF \equiv lateri ED } (per 34. I.)

Qvoniā autem BH \equiv GB, & AF \equiv AG (per
constr.);

erit etiam GB \equiv EC }
& AG \equiv ED } (per 1. ax.).

Sed GB \equiv AG (ut supra); ergo & FC \equiv ED.

Et rursus, qvoniā ostensum est, iisdem æqva-
libus AG, GB lateribus, etiam æqvalia esse latera
BE, AE, qvatuor igitur latera EC, ED, BE, AE
erunt inter se æqvalia. Qvare centro E, inter-
vallo EA si describitur circulus, per reliqua puncta
B, C, D qvoqve transibit, & unumqvodqve qua-
drati latus in punctis A, D, C, B tanget; datoqve
igitur quadrato inscriptus erit.

Quod erat faciendum.

PROP.

PROP. IX. PROBL.

Circa datum quadratum circulum circumscrībere.

Sit datum quadratum ABCD: Oportet circa quadratum ABCD circulum circumscribere.

Constrūctio.

Jungantur AC, BD, quæ se invicem in puncto E secent,

Demonstratio,

Triangulorum ADC, ABC, duo latera sunt æqvalia, latus scil. AD \equiv lateri AB; latus autem AC utriqve est commune; & qvoniā basis BC etiam æqatur basi DC, erit angulus BAC \equiv angulo DAC: angulus igitur DAB bifariam sectus est a recta linea AC,

Similiter demonstrabimus unumqvmqve angulorum ABC, BCD, CDA, bifariam secari a rectis lineis AC, BD,

Qvoniā igitur angulus DAB angulo ABC est æqvalis; erit etiam anguli DAB dimidium EAB \equiv EBA, dimidio nempe anguli ABC (per 7. ax.); ideoqve æqvalibus hisce angulis opposita latera EA, EB inter se sunt æqvalia (per 6. i.)

Eadem ratione demonstrabimus & vtramqve rectarum EC, ED utriqve EA, EB, æqvalē esse: ergo qvatuor rectæ lineæ EA, EB, EC, ED inter se sunt æqvales.

Centro

Centro igitur E intervallo autem æqvali uni ipsarum EA, EB, EC, ED circulus descriptus etiam per reliqua puncta transibit, atque erit circumscriptus circa quadratum ABCD.

Quod erat faciendum.

PROP. X. PROBL.

Isoseles triangulum constituere, habens alterutrum angulorum, qui sunt ad basin duplum reliqui.

Isoseles triangulum ABD est construendum, eius anguli ad basin ABD & BDA singuli sint dupli ejus ad verticem DAB.

Constructio.

1. Ponatur recta quædam linea AB, & secetur in punto C ita, ut rectangulum comprehensum sub AB, BC, æqvale sit quadrato ex CA (per I I + 2.);
2. Centro A intervallo AB circulus describatur BDF, (per 3. post);
3. In circulo BDF aptetur recta linea BD æqvalis ipsi AC (per I. 4.);
4. Jungantur DA, DC; & triangulo ACD circumscribatur circulus ACD (per 5. 4.)

Demonstratio.

Qvoniam rectangulum sub AB, BC æqvale est quadrato rectæ AC (per constr.), æqvalis autem est AC ipsi BD; erit rectangulum sub AB, BC æqvale quadrato rectæ BD.

Porro, qvoniam extra circulum ACD sumptum est punctum B, ab hoc autem punto cadunt duæ rectæ lineæ BCA, BD, qvarum altera qvidem circulum secat, altera vero in eum incidit, & qvia rectangulum sub AB, BC æqvale est quadrato rectæ BD; recta igitur linea BD circulum ACD in punto D continget (per 37. 3.).

Rursus qvoniam BD circulum contingit, & a contactu D ducta est recta DC, erit angulus BDC æqvalis ei, qvi in alterno circuli segmento constituitur, videlicet angulo DAC (per 32. 3.).

Cum autem angulus BDC æqvalis sit ipsi DAC, communis addatur CDA: totus igitur BDA est æqvalis duobus angulis CDA, DAC. Sed his ipsis duobus angulis CDA, DAC etiam æqvalis est exterior angulus BCD (per 32. 1.): ergo & angulus BDA æqvalis est ipsi angulo BCD (per 1. ax.).

Iterum angulus BDA est æqvalis angulo DBA (per 5. 1.), nam latus AB æqvale est lateri AD (per 15. def. 1.) ergo & DBA ipsi BCD æqvalis erit.

Tres igitur anguli BDA, DBA, BCD inter se sunt æqvales.

Qvoniam vero angulus DBA, vel (qvod idem est) angulus DBC æqvalis est angulo DCB; erit latus BD æqvale lateri DC (per 6. 1.).

Sed recta BD æqvalis est rectæ CA (per construct.): ergo & DC æqvatur rectæ CA: quare & angulus CDA æqvalis est angulo CAD (per 5. 1.): anguli igitur CDA, CAD simul sumpti ipsius anguli CAD dupli sunt,

Et

Est autem & angulus BCD æqvalis angulis CDA, CAD simul sumptis: ergo & ang. BCD duplus est ipsius CAD.

Sed angulus BCD est æqvalis alterutri ipsorum BDA, DBA: qvare & alteruter ipsorum BDA, DBA ipsius DAB (vel CAD) est duplus.

Isoceles igitur triangulum ADB constitutum est, habens alterutrum eorum angulorum, qvi sunt ad basin BD duplum reliqui.

Quod erat faciend.

PROP. XI. PROBL.

In dato circulo pentagonum æqvilaterum & æqviangulum inscribere.

Sit datus circulus ABCDE: oportet in ABCDE circulo pentagonum æqvilaterum & æqviangulum inscribere.

Constructio.

1. Ponatur triangulum isosceles FGH habens alterutrum angulorum ad G, H duplum anguli, qvi est ad F (per 10. 4.)
2. In circulo dato inscribatur triangulum ACD, triangulo FGH æqviangulum (per 2. 4.);
3. Anguli ad Basin ACD, ADC secentur bifariam rectis CE, DB, occurrentibus circumferentiæ in punctis B, E; (per 9. 1.);
4. Ducantur rectæ AB, BC, DE, EA.

Demonstratio.

1. Qvoniā uterque angulorum ACD, CDA duplus est anguli CAD, & sc̄ti sunt bifariam a rectis

rectis lineis CE, DB (per constr.); quinque anguli DAC, ACE, ECD, CDB, BDA sunt inter se æquales. Æquales autem anguli æquilibus circumferentiis insistunt (per 26. 3.); quinque igitur circumferentiaæ AB, BC, CD, DE, EA æquales sunt inter se. Sed æquales circumferentias æquales rectæ lineæ subtendunt (per 29. 3.); ergo & quinque rectæ lineæ AB, BC, CD, DE, EA inter se sunt æquales: æqvilaterum est igitur ABCDE pentagonum. *Quod primo erat demonstr.*

2. Quidam circumferentia AB æqualis est circumferentiaæ DE (ut supra ostens) communis addatur circumf. BCD, tota igitur ABCD circumferentia toti circumferentiaæ EDCB est æqualis.

Circumferentiaæ quidem ABCD insistit angulus AED, circumferentiaæ vero EDCB insistit angulus BAE: ergo & BAE angulus est æqualis angulo AED (per 27. 3.).

Eadem ratione & unusquisque angulorum ABC, BCD, CDE alterutri ipsorum BAE, AED est æqualis: æquiangulum igitur est ABCDE pentagonum. *Quod 2do erat demonstr.*

In dato igitur circulo inscriptum est pentagonum æqvilaterum & æquiangulum.

Quod erat faciendum.

PROP. XII. PROBL.

Circa datum circulum pentagonum æqvilaterum & æquiangulum circumscribere.

Sit datus circulus ABCDE: oportet circa circulum ABCDE pentagonum æqvilaterum & æquiangulum circumscribere.

Con-

Constructio.

1. Intelligatur circumferentia tota circuli in quinque partes æquales divisa per puncta A, B, C, D, E pentagoni circulo inscripti (per 11. 4.);
2. Per puncta, A, B, C, D, E ducantur rectæ circulum contingentes GH, HI, IK, KL, LG (per 17. 3.);
3. Sumatur circuli centrum F (per 1. 3.);
4. Jungantur FB, FI, FC, FK, FD (per 1 post.).

Demonstratio.

1. Quidam recta IK contingit circulum in punto C, & a centro F ad contactum ducta est FC; erit FC ad ipsam IK perpendicularis (per 18. 3.): rectus igitur est uterque angulorum, qui sunt ad C.

Eadem ratione & anguli, qui ad puncta B, D sunt recti.

Cum autem rectus est angulus FCI, erit quadratum rectæ FI æquale quadrato rectæ FC + quadr. rectæ CI (per 47. 1.).

Eandem ob causam quadrato rectæ FB + quadr. rectæ BI æquale est quadratum rectæ FI: quare quadratum rectæ FC + quadrat: rectæ CI æquale sunt quadrato rectæ FB, + quadrato rectæ BI (per 1. ax.).

Sed recta FC æqualis est rectæ BF, ideoque quadratum rectæ FC æquale quadrato rectæ FB: quare quadratum reliquum rectæ BI æquale est reliquo quadrato rectæ CI (per 3. ax.); æqualis igitur est recta BI ipsi rectæ CI (per 8. ax.).

Quidam

Qvoniam vero in duobus triangulis FBI, FCI
duæ rectæ FB, BI duabus FC, CI sunt æquales,
Communis autem utriqve FI; erit angulus BFI
æqualis angulo IFC, & angulus BIF æqualis angulo
FIC (per 8. 1.). Duplus igitur est BFC anguli
IFC, & angulus BIC duplus ipsius FIC.

Eadem ratione & angulus CFD duplus est an-
guli CFK, angulus vero CKD duplus anguli CKF.

Et qvoniam circumferentia BC circumferentiae
DC est æqualis (per constr.) & angulus BFC angulo
CFD æqualis erit (per 27. 3.)

Atqvi angulus BFC duplus est anguli IFC, an-
gulus vero CFD duplus ipsius CFK (ut supra):
æqualis igitur est angulus IFC angulo CFK (per
7. ax.).

Sunt igitur duo triangula FIC, FCK habentia
duos angulos duobus angulis æquales, alterum
alteri, & unum latus uni lateri æquale, qvod ipsis
commune est nempe FC, ergo & reliqua latera reli-
quis lateribus æqualis habent, & reliquum angulum
reliquo angulo æqualem (per 26. 14); recta igitur
IC est æqualis rectæ CK, & angulus FIC æqualis
angulo FKC.

Qvoniam autem IC est æqualis rectæ CK, erit
IK ipsius IC dupla.

Eadem ratione & HI ipsius BI dupla ostendetur.

Rursus qvoniam BI ostensa est æqualis ipsi IC,
atqve est IK quidem dupla rectæ IC, HI vero dupla
ipsius BI; erit HI ipsi IK æqualis (per 6. ax.)

Similiter & unaqvæque ipsarum GH, GL, LK
ostendetur æqualis alterutri HI, IK: æqvilaterum

igitur est GHIKL pentagonum. *Qvod primo erat demonstrandum.*

2. Qvoniam angulus FIC est æqvalis angulo FKC, & ostensus est ipsius qvidem FIC duplus angulus HIK ; ipsius vero FKC duplus IKL, erit & HIK angulus angulo IKL æqvalis (per 6. ax.)

Simili ratione ostenderetur & unusquisque ipsorum IHG, HGL, GLK, alterutri HIK, IKL æqvalis : Qvinque igitur anguli GHI, HIK, IKL, KLG, LGH inter se sunt æqvales. Ergo æqviangulum est GHIKL pentagonum. *Qvod 2do erat demonstrandum.*

Qvare circa circulum ABCDE datum circumscriptum est pentagonum æqvilaterum & æqviangulum. *Qvod erat faciendum.*

PROP. XIII. PROBL.

In dato pentagono æqvilatero & æqviangulo circumlocum inscribere.

Sit datum pentagonum æqvilaterum & æqviangulum ABCDE : oportet in ABCDE pentagono circumlocum inscribere.

Constructio.

1. Uterque angulorum BCD, CDE a rectis CK, DF bifariam secetur (per 9. 1.) ;
2. A punto I, in quo convenienter inter se CI, DI, ducantur rectæ IB, IA, IE.

Demonstratio.

Qvoniam pentagoni latus BC æqvale est lateri CD (per hypoth.), & latus IC commune, duo igitur triangula IBC, ICD habent duo latera æqvalia, alterum alteri,

alteri, habent vero & angulos BCI, DCI inter æquales: lata BC, CI & CD, CI comprehensos æquales: qvare basis BI basi DI est æqualis, & triangulum BIC æquale triangulo DIC, & reliqui anguli reliquis angulis æquales, qvibus æqualia latera subtenduntur (per 4. 1.): angulus igitur CBI angulo CDI æqualis erit.

Cum autem angulus CDE anguli CDI est duplus (per constr.), & angulus qvidem CDE angulo ABC æqualis, angulus vero CDI angulo CBI æqualis; erit & CBA angulus duplus anguli CBI; ac propterea angulus ABI angulo IBC æqualis: angulus igitur ABC bifariam secat a recta linea BI.

Similiter demonstrabitur & unumqvmque angulorum BAE, AED a rectis lineis IA, IE bifariam secat. Itaqve a punto I ad rectas lineas AB, BC, CD, DE, EA ducantur perpendiculares IF, IG, IH, IL, IK.

Rursus, qvoniā angulus GCI est æqualis angulo HCI (per constr.), & rectus IGC recto IHG æqualis (per 10. ax.): erunt IGC, IHG duo triangula duos angulos duobus angulis æquales habentia & unum latus uni lateri æquale, commune scilicet IC, qvod utriqve æquium angulorum subtenditur: ergo & reliqua latera reliquis lateribus æqualia habebunt, atqve erit perpendicularis IG perpendiculari IH æqualis (per 26. 1.)

Similiter ostendetur & unaqvaqve ipsarum IL, IK, IF, æqualis alterutri IH, IG, qvinque igitur rectas lineas IF, IG, IH, IL, IK inter se sunt æquales.

Qvare centro I intervallo autem æquali unius ipsarum IF, IG, IH, IL, IK circulus descriptus etiam

per reliqua transibit puncta, & rectas lineas AB, BC, CD, DE, EA continget, propterea qvod anguli ad F, G, H, L, K sunt recti.

In dato igitur pentagono æqvilatero & æqviangulo circulus est inscriptus. *Quod erat faciendum.*

PROP. XIV. PROBL.

Circa datum pentagonum æqvilaterum & æqviangulum circulum circumscribere.

Sit datum pentagonum æqvilaterum & æqviangulum ABCDE, oportet circa pentagonum ABCDE circulum circumscribere.

Constructio.

1. Uterque BCD, CDE angulorum bifariam a rectis lineis CF, DF secetur (per 9. 1.);
2. A puncto F, in quo convenienter rectæ CF, DF, ad puncta B, A, E, ducantur FB, FA, FE.

Demonstratio.

Similiter, vt in antecedente prop. 13., demonstrabitur unumq; vñq; angulorum CBA, BAE, AED, a rectis lineis BF, FA, FE bifariam secari.

Et qvoniā angulus BCD angulo CDE est æqvalens, atque est anguli BCD dimidius angulus FCD, anguli vero CDE dimidius CDF; erit FCD angulus æqvalens angulo FDC (per 7. ax.); qvare & latus FC lateri FD est æqvale.

Eadem ratione demonstrabitur unaq; vñq; ipsarum FB, FA, FE æqvalens alterutri FC, FD: qvinq; igitur rectæ lineæ FA, FB, FC, FD, FE sunt inter se æqvales. Ergo centro F & intervallo æqvali

æqvali uni ipsarum FA, FB, FC, FD, FE circulus descriptus etiam per reliqua transibit puncta, eritque circumscriptus circa pentagonum æqvilaterum & æqviangulum ABCDE. *Qv.e.faciendum.*

PROP. XV. PROBL.

In dato circulo hexagonum æqvilaterum & æqviangulum inscribere.

Sit datus circulus ABCDEF: oportet in circulo ABCDEF hexagonum æqvilaterum & æqviangulum inscribere.

Constructio.

1. Sumatur circuli ABCDEF centrum G (per 1. 3.);
2. Ducatur circuli ABCDEF diameter AD; & centro D intervallo autem DG describatur circulus EGCH (per 3 post.);
3. A punctis E, C per centrum G ducantur rectæ EB, CF; & jungantur AB, BC, CD, DE, EF, FA: Dico hexagonum ABCDEF æqvilaterum esse & æqviangulum.

Demonstratio.

1. Qvoniam G est centrum circuli ABCDEF, D vero est centrum circuli EGCH erit Recta GE \equiv GD & recta DE \equiv GD (per 15. def. 1.), ideoq; recta GE \equiv recta DE (per 1. ax.): æqvilaterum igitur est GED triangulum tresque ipsius anguli EGD, GDE, DEG sunt inter se æqvales (per 5. 1.)

Sunt autem & hi tres anguli simul sumpti æqvales duobus angulis rectis (per 32. 1.); unusqvis-

que igitur ipsorum trium angulorum EGD, GDE,
DEG est *tertia pars duorum rectorum.*

Similiter ostendetur triangulum GCD esse
æqvilaterum, ejusque tres angulos inter se esse æqvales
& unumquemque horum angulorum DGC,
GCD, CDG esse *tertiam partem duorum rectorum:*
quare duo anguli EGD, DGC sunt *inter se æqvales.*

Quoniam recta CG insistens rectæ EB angulos,
qui sunt deinceps CGE, CGB, duobus rectis æqvales
efficit; angulus autem CGE æqvatur angulis EGD,
DGC, quorum unusquisque est *una tertia pars duorum rectorum;* reliquus igitur angulus CGB erit
etiam una tertia pars duorum rectorum; quare
anguli EGD, DGC, CGB, sunt *inter se æqvales.*

Cum vero anguli BGA, AGF, FGE ipsis EGD,
DGC, CGB angulis ad verticem sint oppositi &
propterea æqvales (per 15. 1.): sex igitur anguli
EGD, DGC, CGB, BGA, AGF, FGE sunt *inter se æqvales:* & sex proinde circumferentia AB, BC,
CD, DE, EF, FA, quibus isti æqvales anguli insi-
stunt, *inter se sunt æqvales* (per 26. 3.).

Quæ autem circumferentias ipsis æqvales sub-
tendunt rectæ lineaæ AB, BC, CD, DE, EF, EA, etiam
æqvales sunt (per 29. 3.): quare æqvilaterum est
hexagonum ABCDEF. *Quod primo erat demonstrandum.*

2. Quoniam circumferentia AF æqualis est cir-
cumferentia ED, communis addatur circumferen-
tia ABCD: tota igitur circumferentia FABCD
æqualis est toti circumferentia EDCBA (per 2. ax.);
& propterea, qui æqualibus ipsis circumferentiis in-
sistunt anguli AFE, DEF æqvales sunt (per 27. 3.).

Similiter

Similiter ostendentur & reliqui anguli hexagoni ABCDEF sigillatim æquales alterutri ipsorum AFE, DEF: est igitur æquiangulum ABCDEF hexagonum.

Quod 2do erat demonstrandum.

In dato igitur circulo inscriptum est hexagonum æquilaterum & æquiangulum. *Quod erat faciendum*

Corollarium.

Ex hoc manifestum est hexagoni latus circuli semidiametro æquale esse.

Et si per puncta A, B, C, D, E, F ducamus contingentes circulum, circa circulum circumscribetur hexagonum æquilaterum & æquiangulum, ad modum eorum quæ de pentagono dicta sunt. Ad quorum modum etiam dato hexagono circulum inscribemus & circumscribemus.

PROP. XVI. PROBL.

In dato circulo quindecagonum æquilaterum & æquiangulum inscribere.

Sit datus circulus ABCD oportet in circulo ABCD quindecagonum æquilaterum & æquiangulum inscribere.

Constructio.

1. Circulo ABCD inscribatur triangulum æquilaterum ACD (per 2. 4.);
2. Eidem circulo inscribatur etiam pentagonum æquilaterum (per 11. 4.).
3. Circumferentia BC dividatur bifariam in punto E (per 30. 3.);

Dico utrumque rectarum BE, EC esse latus quindecagoni circulo inscribendi.

Demonstratio.

Si tota circuli circumferentia in quindecim partes æquales secta concipiatur, trianguli æqvilateri latus AC ab ipsis æquivalibus quindecim partibus auferet partes quinque æquales;

Pentagoni vero æqvilateri latus AB earundem partium tres partes æquales auferet, circumferentia igitur AB lateris pentagoni a circumferentia ABC lateris trianguli ablata, relinquetur circumferentia BC, duas partes decimas quintas totius circuli circumferentiae comprehendens: quare, ipsa BC circumferentia in punto B bifariam secta, erit utraque rectarum BE, EC una decima quinta pars totius circumferentiae ABCDA.

Si igitur dato circulo ABCD in continuum aptentur rectæ lineæ æquales uni ipsarum BE, EC (per 1. 4.), erit in ipso inscriptum quindecagonum æqvilaterum, & simul æqviangulum (per 27. 3.),

Quod erat faciendum.

Ad modum autem eorum, quæ dicta sunt de pentagono, si per circuli divisiones ducamus rectas lineas circulum contingentes, circa ipsum circumscribetur quindecagonum æqvilaterum & æqviangulum. Et insuper ad modum eorum, quæ dicta sunt de pentagono, dato quindecagono æqvilatero & æqviangulo circulum inscribemus & circumscribemus.